



14417
 III Mo. St. 27 P

mislaus

du

Castellanus Cracoviensis.

Karwat Sew.

Cracoviensis Coll. Jan. Jan. Szwedzi traktata.

Proroc. Twardoczi Sam. (Humen)

PANEG. et VITAE
 Polon. Fol.
 № 460.

Blank page with a decorative border on the right edge.

SIRADIA
TRABEATA,

DVM

Illustrissimus Dominus

D. STANISLAVS

à KONIECPOLE

KONIECPOLSKI

Supremus ac Generalis Exercituum Dux

CRACOVIENSEM CASTELLANATVM,

Primum Senatus Poloni Subsellium,

adiret;

PROPOSITA

Sub auspiciis

ILLVSTRIS^{mi} ac REVERENDIS^{mi} Dñi,

D. STANISLAI LVBIENSKI

EPISCOPI PLOCENSIS;

Aliorumque

SIRADIANÆ GENTIS LVMINVM.

In Collegio Cracoviensi SOCIETATIS IESV.

CRACOVIAE, In Officina Francisci Cæsarij, 1633. C



BIBLIOTH. UNIV.
JAGELLONICAE

BIBLIOTH. UNIV.
JAGELLONICAE

Illustrissimo ac Reuerendissimo Domino
D. STANISLAO LVBIENSKI
EPISCOPO PLOCENSI,
Auctor Felicitatem.

Debet hunc Tibi difficili raroq; federe geminatum felicitatis apicem Tuam non minus virtute quam eloquentiam triumphalis patria, Antistes Illustrissime, quem beatissima olim Ciuum facinoribus ciuitates suae non poterant imponere magnitudini; ut sola pulcherrimo post reginam urbium Romam exemplo SIRADIA sibi virtutem debeat & gloriam; Tuo unius disertissimo è calamo felicissimum hoc nacta compendium, ne ad domesticae virtutis praedicationem, foris desideret Homerum laudatorem. Neq; verò vocalissimo Tuo olori assuetis & saepe iam triumphatis auribus obstrepere fuisset ausus, nisi mellitissimam, quae omnia demulces, suauitate captus sperassem quatuor illustrissimis, quas vertice ipso praefert, Maroniani cygni Tui pennis meum in vulgus si non commendari, saltem tegi posse clangorem. Olorinis equidem in plumis, si caeteris vocem non probauero cygneam, satis fuerit olorenam, hoc est promptissimam in Te Tibi probare voluntatem. Vale.

SIRADIA TRABEATA.

IT MERITIS FORTVNA COMES, SEMPERQVE RECENTI
HEROVM GENITRIX SIRADIA CRESCIT HONORE
PATRICIIS FECVNDATA VIRIS, QVOS INCLYTA VIRTVS
EXCELSI DECORIS SVBLIMI SISTIT IN ARCE:

Purpureæ cumulantur opes, pariterque togatæ
Sacra Deæ, pariter Lechico iurata Gradiuo
Pectora continuis radiant ex ordine Fastis,
Illustres animæ, patrijs gens clara triumphis.
Hinc atavum comitata genus trabeata vetustas
Gloria continuat ceras, hinc robore Virtus
Nixa suo, rutilis fastigia conferit astris,
Et Lechicum pulchris vrit splendoribus orbem.
Conspirant lituis aquilæ, placidæque quieti
Armatus subscribit Honos, recipitque Curules
Mutua posteritas, & fasces arma sequuntur;
Tota Palatino tellus adolescit in ostro.

Hinc bifido senas ostentat vertice mitras
Pontificum crinale decus, gemmisque tiaras
Asperat, & Latio radiantia sidera limbo:
Celsior inde Ducum trabeato cincta Senatu
Læta paludatæ iam Curia militat aulæ,
Miscentur trabæ vittis, hastilibus aræ,
Sacraque belligeris splendent diademata cristis,
Tutior in medijs exultat Romula castris
Maiestas: geminæ certant vtrinque Curules:
Fascibus hæc maior Cracijs, Gnesnensibus illa
Celsior auspicijs; fulget Dux inde trophæis
Inclytus: inde Crucis lunata insignia Præsul
Sceptricos versat regali vertice fasces,
Regnaque vicinis labentia sustinet armis.
Pestiferamque luem, fatalia dogmata Mundo
Orcigenas mentita Deos EPIDAVRIVS ANGVIS
Extinguit, certamque iubet sperare salutem.

Inde tiaratum felix sibi Chelmia Patrem
Afferit, innocui quo non seruantior æqui
Romuleo quisquam Lechicas moderamine Gentes

Illustriff:
IOANNES
WEZYK,
Archiepiscopus
Gnesnensis.

Illustriff:
REMIGIA-
NVS KO-
NIECPOL-

Flexit,

*SKI, Episcopus
Cheimensis.*

*Illustriss:
BOGVSLA-
VS RADO-
SZEWSKI,
Nominatus
Luceorien-
sis.*

*Illustriss:
STANISLA-
VS LV-
BIENSKI,
Episcopus
Ptoensis.*

*Illustriss:
MATTHI-
AS LV-
BIENSKI,
Episcopus
Cuiaviensis.*

Flexit, & Ausonia frenauit lege Quirites.
Ipsa super niueis puerum complexa ligustris
Acclinem roseo fertur Lucina Pudori
Parthenia sacrasse manu, cunafque pudicis
Infanti strauisse rosis, & tempora Virtus
Præsuleis aptasse mitris, paulumque morata
Promissos olim Pietas decreuit honores.

Proxima Siradico Luceoria fulget alumno,
Qui Phlegethonteis moturus bella tyrannis
Faustouiam posuit victricia castra per urbem,
Pulchraque magnanimas exciuit ad arma cohortes,
Impiger Ausonia pro libertate Polonas
Bellator ductare acies, Martemque ciere,
Transeat in Latios dum Roxia subdita ritus,
Fractaque purpureæ submittat cornua Romæ
Ister, & assertâ famuletur sanctior vndâ
Bosphorus, & Patri suspendat signa Quirino.

Tu quoque Lechiacum mitris æqualibus orbem
Vittato cum fratre regis, quem docta supremis
Defunctum calamis maiores duxit ad aras
Ptoeia, Præsuleis apices gauisa tiaris
Eloquio creuisse tuo, seu fortia Regum
Fata canis tumultosque super lacrymabile Mystes
Voluis opus, Manesque pio comitaris honore:
Attica magniloquis texentem verba Smaragdis
Doctior attonito seu te stupet ore Senatus:
Siue sacris maior facundia vocibus aures
Fulminat, atque animos lymphataque corda triumphat.

Cuiavijs at enim germanum præficit aris
Imperij sapiens usus, morumque benigna
Temperies, doctique sales, regni que procellis
Explorata Fides, & nescia pectora vinci.
Illius attonitum iurare in verba Senatum
Vidimus, & doctis subsellia plaudere verbis,
Seu pacem seu bella iubet, seu congrua Regno
Decernit, Sceptris que cauet, seu partibus æquus
Arbiter, obscuris iudex seu litibus vnus
Accedit, primus cenfet quod cernimus omnes.

Te

Te quoq; consilijs circumstipata togatis
Lechica Siradicis Ales traduxit ab oris,
Lataque Culmerijs Patrem praefecit habenis,
Et tua per cunctos signauit nomina Fastos
Praesuleae confisa Rati: tu maximus ille es
Orator Patribus placitarum ex ordine rerum
Qui momenta refers, Regumque oracula pandis.

Qualis Erythraeo gemmarum splendida cultu
Romuleas genitrix superum turrita per arces
Dardanios Phrygio flectens temone leones
Felix prole Deum, comitata nepotibus exit
Vndiq; sidereis mater: quibus aurea collo
Caesaries promissa fluit, Tyrioque rubescit
Murice frons, laeti radiant diademate crines:
Illos astra colunt, illis mare terraque supplex
Sternitur, his famulos submittit caelifer orbes
Atlas, & vitreo lotos in gurgite Titan
Pronus adorantes inclinat ab aethere currus.

Aeternum Lechici decus, o Siradia, caeli
Virtutis fatale solum! tibi maxime rerum
Regnorumque sator, terris hos addere ciues
Sedit? an inde ferax trabeatas terra nouales
Fundit, & egregio turgescit milite campus,
Ex quo Moykouios generoso sanguine colles
Sparsit, & hastato fatales vomere terras
Sulcauit Sharius triplici haud deiectus ab hasta?
Tunc & purpureum pectus, tepidaque fluentem
Morte animam, pulchrosque tulit per rura dolores
Ferreaque armiferis conseruit iugera sulcis,
Virtutem & seros demisit ad usque nepotes.

O regio fecunda viris! o terra secundis
Augurijs calcata Lecho! quocunque rubentes
Cladibus Odrysijs flectis sub cardine gressus,
Seu Dolopum spolijs, victrix seu caede superbis
Aemonia, seu ense rubens, & puluere belli
Sparsa comas Gothicae mulces post praelia pugnae
Cornipedes, fessumque leuas e sanguine Martem:
Siue Zaporouja pictas tibi clade secures

Illustriss:
IACOBVS
ZADZIK,
Cancellari-
us Regni,
Episcopus
Culmensis.

Flumine Varta lauat patrio, centumque minaces
 Vulneribus truncos, perfossaque robora Mauors
 Myrmidonum captis præuelat rite trophæis:
 Siue Borysthenijs fatalia gentibus arma
 Vltricesque aquilas, gelido funesta Bootæ
 Signa moues, Helices turpem potura cruorem:
 Huc ô belligeris Procerum stipata cateruis
 Inclyta Sarmatici custos Regina Trionis
 Terribiles accincta tubas, Geticoque feroces
 Picta genas tabo, galeâ cristata minaci,
 Terrificis inuecta rotis, procede secundis
 Alitibus, Zephyrosque super, nubesque curules
 Vecta super præpes socios inuise Quirites;
 Quâ tibi laurigeros post aspera prælia colles
 Bellator famulo submittit vertice Cracus,
 Quâ coniuratis iam sponte Curulibus ambit
 Venda tuum comitata Ducem, cingitque superbis
 Fascibus, & dominum Cracijs imponit habenis.
 Huc geminas huc flecte acies, hos adspice Fasces
 Ductoremque tuum, quem primo à lumine vitæ
 Inter Sarmaticos aluit Bellona triumphos:
 Ipsa paludato puerum præcinxit amictu,
 Ipsa rudes humeros pharetris, cristaque micanti
 Intexit puerile caput, lituisque morantem
 Traxit, & in medijs cunabula præbuit hastis
 Iam tunc intrepidum ferri, iam triste rubenti
 Ludentem clypeo porrexit ad oscula Marti;
 Pressit anhelantem & pulchro gauisus alumno
 Bellipotens, cladem Scythiæ, laurosque rebelles
 Annuit, & famulos Reges, vrbesque receptas,
 Signaque, captiuosque humili ceruice tyrannos,
 Ædonios montes, & fractis cornibus amnes,
 Atque catenato promisit gurgite Pontum,
 Et clauam fascisque tulit, bellisque togatum
 Strauit iter, Craciaque dedit Bellona curules.

Illustriff:
 D. STANI-
 S L A V S
 KONIEC-
 POLSKI,
 Castellanus
 Craconien.
 Exercituum
 Ductor.

I MERITIS FORTVNA COMES, SEMPERQVE RECENTI.
 HEROVM GENITRIX SIRADIA CRESCAT HONORE.





J. A. M. 19.

Biblioteka Jagiellońska



stdr0016218

